


ԵՊՀ ԻՄ-ում ուսանողների գիտելիքների գնահատման գործող համակարգի վերաբերյալ դասախոսական և ուսանողական հարցման արդյունքների ամփոփում

ԵՊՀ Իջևանի մասնաճյուղում 2008թ.-ից գործում է ստացած և ցուցաբերած գիտելիքների ստուգման և գնահատման կրեդիտային համակարգով ուսումնական գործընթացի կազմակերպման կարգ:

Գնահատման այս համակարգի առավելություններն ու թերությունները վերհանելու, շտկելու, զարգացնելու, նաև գնահատման արդյունավետության բարձրացման ուղիներ գտնելու համար մասնաճյուղում Կրթության որակի ապահովման և գնահատման (ԿՈԱԳ) բաժնի որոշմամբ **/21.02.2013թ. արձ. թիվ 2/** 2012/13 ուստարվա I կիսամյակի քննաշրջանից հետո կատարվել է ուսումնասիրություն՝ հարցման միջոցով: Մասնաճյուղի 48 դասախոսների և 94 ուսանողների շրջանում անց է կացվել հարցում ԵՊՀ ԻՄ-ի ուսանողների գիտելիքների գնահատման գործող կարգի վերաբերյալ: Հարցման նպատակներից մեկն էր պարզել, թե արդյոք գործող համակարգը թույլ է տալիս լիարժեք բացահայտել ուսանողի գիտելիքները, այն օբյեկտիվ գնահատել, և ինչը չի բացահայտվում գնահատման այս համակարգում: Ուսանողների շրջանում նման հարցման նպատակն էր պարզել նաև ուսումնառողների կարծիքը՝ գիտելիքների գնահատման ակադեմիական ազնվության վերաբերյալ: Հարցման արդյունքներն ամփոփվել են ԿՈԱԳ բաժնում **/23.04.2013թ. արձ. թիվ 4/**, իսկ ընդհանուր արդյունքները ներկայացնում ենք ստորև բերվող դիագրամում.


ա. ԵՊՀ Իջևանի մասնաճյուղի ուսանողների գիտելիքների գնահատման գործող համակարգի վերաբերյալ դասախոսական հարցման արդյունքները

ԵՊՀ ԻՄ-ում գործող ուսանողների գիտելիքների գնահատման համակարգն ըստ Ձեզ




բ. ԵՊՀ Իջևանի մասնաճյուղի ուսանողների գիտելիքների գնահատման գործող համակարգի վերաբերյալ ուսանողական հարցման արդյունքները

ԵՊՀ ԻՄ-ում գործող ուսանողների գիտելիքների գնահատման համակարգն ըստ Ձեզ




Հարցաթերթն ընդգրկում է նաև առաջարկությունների բաժին, ըստ որի՝ եթե հարցման մասնակիցները գտնում են, որ գնահատման գործող համակարգը պետք է փոխարինել այլ համակարգով, ապա առաջարկվող տարբերակներից որը կնախընտրեին: Համաձայն մշակված արդյունքների՝ հարցմանը մասնակցած դասախոսների 42%-ը, իսկ ուսանողների 28%-ը կողմնակից է գրավոր միջանկյալ քննությունների և բանավոր եզրափակիչ քննության տարբերակին:

դասախոսներ



ուսանողներ



Ըստ հարցման արդյունքների՝ ուսանողների 56%-ը, իսկ դասախոսների 79%-ը ընդունելի են համարում գործող կարգը և գտնում են, որ գնահատման բազմաէտապ համակարգը բարձրացնում է գնահատման օբյեկտիվությունը:

Հարցմանը մասնակցած ուսանողների 62%-ը գտնում է, որ իրեն հայտնի է քննական առարկայից իր գնահատականի ձևավորման մեխանիզմը, իսկ դասախոսների 73%-ը վստահ է, որ ուսանողը գիտի, թե ինչպես է ձևավորվում իր քննական գնահատականը: Սա խոսում է գնահատման ակադեմիական ազնվության ապահովման մասին: Սակայն հարկ է նշել, որ թեստային

համակարգը մեծացնում է արտագրելու հնարավորությունները: Դրա մասին են վկայում հարցման արդյունքները (դասախոսների 66%-ը, ուսանողների 65%-ը):

Ելնելով ուսանողների և դասախոսների հարցման արդյունքներից՝ ԿՈԱԳ բաժնում սկսված է այլ առաջատար բուհերի գնահատման կարգերի համեմատական վերլուծության գործընթաց: Նոր կրթական չափորոշիչներին համապատասխան՝ ուսանողի մեջ պետք է ձևավորվեն որոշակի գիտելիքներ, ձեռք բերվեն գիտելիքների կիրառման որոշակի հմտություններ և իրեն դրսևորելու կարողություններ, հետևաբար՝ գնահատման համակարգը պետք է բացահայտի ուսանողի վերջնարդյունքներն ըստ նշված 3 բաղադրամասերի: Բաժնի մասնագետին հանձնարարվել է ուսումնասիրել ՀՀ-ի, արտերկրի (մասնավորապես՝ Ռուսաստանի) առաջատար ՄՈՒՀ-երի գնահատման համակարգերը և անհրաժեշտության դեպքում ներկայացնել առաջարկ գնահատման համակարգի բարելավման համար: Մեր դասախոսների և ուսանողների կողմից ակնկալում ենք նոր առաջարկներ: